

Ill^{me} et R^{ssime} D^{ne}.

Calamitas in quam ab ultimis meis ad Ill^{mam} D.V. datis sine ulla mea culpa incidi cogit ut ad Ill^{mam} D.V. recurram et obnixè flagitem per vulnera Christi ut mediante vestra apud Sanctissimum
5 auctoritate de causa mea per aliquem deputatum a Sua Beatitudine cognoscatur et eadem debito fine terminetur. Placuit quippe Sere-
nissimo archiduci mense iulio proxime elapso mihi per Ill^{mum} Domi-
num de Bylly comitem de Ancoppes significare ut infra viginti dies
10 omnibus eius provinciis excederem non amplius reversurus, cumque
mihi tale mandatum insolitum viderent praesertim ex eo quod prin-
ceps secularis in ecclesiasticum inauditum tam severam et cum ae-
terna infamia coniunctam ferret sententiam, advolavi ad aulam, ne-
que audiri potui, neque causam vel accusatores cognoscere, neque
mihi permissum est ut in carceres irem (quod sponte obtuli) ut in-
15 de ad omnia obiecta responderem sub poena vitae si vel de minimo
crimine contra suam Celsitudinem vel statum convinci possem, sic-
que incusso mihi vitae timore nisi parerem coactus sum in Galliam
me recipere, indeque ad sacram anchoram Sedis Apostolicae confuge-
re ut ab ea pro meritis recipiam. Si enim peccavi vel quicquam per-
20 petravi contra piissimum illum principem vel eius statum, nec tri-
remes nec mortem recuso; si autem innocens maledicorum falsis accu-
sationibus impetitus hanc gravem iacturam famae et bonorum cum ig-
nominia familiae et ecclesiae honoratissimae in qua undecim annis
cum honore resedi atque status ecclesiastici dedecore sustineo,
25 neque mihi permittatur causam meam dicere, nec mea calumnia vindi-
care, spero quod Sanctissimus Dominus amore iustitiae atque immu-
nitatis ecclesiasticae quae in mea persona est indecore violata,
erit mihi pro patre benigno et pio domino; fidelissime enim Sedi
Apostolicae semper inservivi uti testari possunt Ill^{mi} archiepis-
30 copus Tarentinus et Dominus Malvasia qui in munere Nuncii aposto-
lici in Belgio sibi mutuo successerunt, neque quicquam commisi quod

/ merito Serenissimum archiducem offendere possit. Quare Ill^{mam} D.V. obnixè rogo ut dignetur meam causam Sanctissimo Domino commendare, ut restitutus honori pristino ecclesiae Christi quod hactenus semper feci meam vitam consecrare possim. Quod si fecerit, augebit
 5 suum apud Deum meritum et me atque universam familiam meam Ill^{mae} D.V. honori defendendo et praedicando obligabit. Deum Opt. Max. Ill^{me} ac R^{ssime} Domine summis votis precor ut vos ecclesiae suae columen quam diutissime conservet et debitis honoribus augeat. Rhe-
 mis 23^o octobris 1606.

10 Ill^{mae} ac R^{ssimae} D. V.

humillimus servus

Gulielmus Giffordius Decanus Insulensis.

Ill^{mo} ac R^{ssimo} D^{no} suo
 Observandissimo Cardinali

15 Bellarmino. (cachet)
 Romam.